


Abyanke Baibulu
Wú

Shenzhi,
Tswashe 'Pyi
Mari



Ynaka yi: Edward Hughes

Za wa muɓe do nya: Lazarus
Alastair Paterson

Za wa go nya: Sarah S.

Bmapmyi yi: www.christian-translation.com


Kpmáknàyi yi: Bible for Children
www.M1914.org

©2022 Bible for Children, Inc.

Gbegi: He yi kala yi he kpma Ɓendye hni ndye he gà knunu m.



Sandye Yesu a dna e ekni be nya wa
ba shenzhi be da gi wo azabwakpe.
Wa yi dye “Mi Dada Bwari”, keg
a gna a ba mimi mwabere lo.
Shenzhi bmya pe mwari
dododo e nyize bo.



Yesu a gna, “I mi lo mi le jni eba ba gi se. Mu hni mi ga lo ga la eba jni ba chi se lo, mi ga dezekpe zhi mi ba go se lo mi ba ge.” Yesu a du ya lo Shenzhi, ndye wa laga e etsu lo nya. Sandye wo azabwakpe azhi ba chiwye ge nya, Yesu ga gnu lo Shenzhi, enyi ga wo pu e ba wyeba.



La e esa hna lo, a Misheza yi kpeko dye Yesu ga dezhi. Yesu gna wo ga zhi dna e esa ndye a tuwye nya n. Tso azan dye a chna tsu wo le zhi be nya mwa? Bibulu gna ba lo Yesu ba. Eza ga gbmi ya e byina wo kpayi de Tswashe yi.




Bewyedyedye, epa kpmakna dna e Baibulu lo, da gi yi shna shenzhi yi nya. Be mari ndye yi lo nya, shenzhi yi Tswahe pyi nu. Tswashe yi e bababa, tso wo tsuchninkpe yi e shenzhi lo n.




Amaleika gba Tswashe fi e shenzhi lo. To azan dye
ba tsu ga lo shenzhi nya, ba ko enyi ba la Tswashe
tu. Abeta ndye fi e anyi dodo nya
hni: HE KNUCHNI BENA HA YI
POYA GI TSWASHE DE HE
DYA YI E EBYE DODODO
LO KELA YI ZE ATSU GE GI
YI TSWASHE.
(REV. 5:9)



Epa kpmakna e bibulu lo wu dye Shenzhi yi
“Wurishelima wowoyi.” Mwa dyego-dyego yi,
bindi, de baknaknayi mwakpa. A mi de kuta
ndye bmyana nya n.




A gu wo zenkpa m, yi do yi le dye mimi wye...
WOW! Shenzhi gnabmya e mimi lo. A mi de
esninadna yi, shnandye gilasi nyi. Muhni
a snu wo zogwo de esninadna yi n.




Bmya, nuwna chacha edna wyewye nyi kna é
Tswashe 'tsudyi ba lo. É edna dýe bwabwa-bwa lo yi
tsnumwa wyewye nyi, byebye nyi, dna é kapu Eden
nyi lo. Tsnumwa hni yi 'pma yi. Wo dýidyi yi gbobo-
gbo gnu awogaba, epya dodo-do yi gbo. Ke tsnumwa
wyewye nyi dýe fnunte é sa akni knungbari.



Shenzhi dye é chni wyango dodo epya dye
wole gi bawyekan m. Tswashe dye nyangoyi
latu gi bawyekna n. Tsongo é yi lo m.



Muhni anya ndye ba fyi é Shenzhi lo nya ba yi gbo.
Ba yedobo. Tsuwala de kninu yi ba kpa gbmando
dyi. A gaba dyinya shnandye kninu byiri nyi.
DAGEYI gna, “Ba ga tsnudobo kpesnu ba
jnidogbma é Mi knunu riri yi lo m.”



Shnandye ya chewye nya, yi ga kpeko dye a nyado é
yi é Shenzhi lo m. Bere nubobenya nyi a wo m. Zaza
snugo dodo wo ye wo dye m.

Azemkpa é yi gugu yi m,
bena awyigbe é yi é
Shenzhi lo m.


Afudiyi yi lo m,
azawu yi, awyeri,
dodo aza bibi. Bebi
dodo-do bye é yi
é Shenzhi lo m.



É Shenzhi lo Tswashe ba
awyenuwna é yi lo m. Asa
dodoyi, Tswashe wa 'za ti
betsnumi buyi é nyize bo.
É Shenzhi lo, Tswashe ga
wnu awyenuwna ya khikhiri.



Etsú yi é Shenzhi lo, muhni m. Tswashe wa 'za ga lo kpa yi de Dageyi yi nyize-nyize. Wyegugbmajni é ga yi lo m, butiyi é ga yi lo m, basna é ga yi lo m. Gnuma é yi lo m, Ebwá é yi lo m, abila 'bwa é yi lo m. Zaza ga yi gbmada yi é Shenzhi lo de Tswashe yi.



Bedyegoyi khikhiri, Shenzhi yi abyi minsa de abyi nyigoza nya n (de azago yi du) ndye ba wyegu gi Yesu Kirisiti wo yi ba Egniyi ke ba gi Wo mwamwa dye wo yi Dageyi. É Shenzhi lo epa yi lo ayi dye Epa wyewye nyi. Yi nunu yi de aza aye yi. He kpe azandye ba 'ye fyi lo nya? Aza khikhiri ndye ba ba wyegugi Yesu nya.

He 'ye dna lo?



Baibulu beta kpmakna tu é Shenzhi fyapa be lo yi ‘be dyegoyi n. “Ke Zafnu de mula nyigo yi é gna dye, ‘Zhi!’ Ke zandye wa wo dye ‘Zhi!’ Ke zandye nuwna miwnu wo wo nya wo zhi. Ke zandye a bawo nya, wo go nuwna wyewye nyi tantaki.”



Shenzhi, Tswashe 'Pyi Mari

ʼBeta é Tswashe ʼBeta lo, Bibulu,

A dýewye dna é

Yowana 14; 2 Akorintiza 5;
ʼBepmiyawu é Yowana ʼbwalo 4, 21, 22

“He beta dodo gi ba wyekna.”

Zabura 119:130



Kperi



Baibulu beta ndye hni da Tswashe ndye
Wa snu yi ke wo ye dye he kpe wo ye nya beta gi yi.

Tswashe kpeko dye ya abekasa snu, ndye Wo yi bebi nya, bebi bechnu yi etsu, tso Tswashe ye he bo dyego-dyegoyi Wo ga Wo Ebyi egba tnu, Yesu, dye Wo tsu ku e znudu lo ke a tsnu wo 'bo e he abebi belo. Ezni Yesu ga dezekpe zhi wyewye yi ke wo ga lo epi Shenzhi! Ndye he ga wyegu gi Yesu ke he ga go 'bwadu, Wo ga snu! Wo ga zhi wo ba dna e he lo bonleyi, ke he kpa yi de wo yi nyize-nyize.

Ndye he ga wyegugi, da bendye hni gi Tswashe:

Yesu, Ma wyegugi He yi Tswashe n, ke he ga ze zango gi he tsu e mi abebi belo, ke bonle yi He de yi. Tsugu zhi he ba dna e mi bo ke he pya mi abebi ya, ke gi mi bwa wyewye wowoyi ezni, ke fyedeyi mi le kpayi de He yi nyize-nyize. Bmamisus dye mi gi he mwamwa ke mi re nyize shnandye he 'byi nyi. A ze lo.

Ba Baibulu ke he da beta de Tswashe yi fyefye fyeo!

Yowana 3:16

